



ՊԱՇՏՈՆԱԿԱՆ ՀԱՂՈՐԴԱԳՐՈՒԹՅՈՒՆ

Նորին Ս. Սծութիւն Տ. Տ. Վազգեն Ա. Ամենայն Հայոց Վեհափառ Հայրապետի հրավերով Մայր Աթոռ Ս. Էջմիածին այցելեցին Գերազանդական Ֆեդերատիվ Հանրապետության Հեսսեն-Նասաու նահանգի Ավետարանական-Լութերական եկեղեցու նախագահ Հայր դոկտ. Մարտին Նիմյուլլերը և նույն եկեղեցու ավագ խորհրդատու Հայր դոկտ. Հանֆրիդ Կրյուգերը:

Վեհափառ Հայրապետը բարձրաստիճան հոգևորականների հետ ունեցավ չեւժ գրույց ընդհանուր եկեղեցական հարցերի շուրջը:

Կիրակի օրը, մայիսի 7-ին, հյուրերը Մայր Տաճարում ներկա եղան հանդիսավոր սուրբ պատարագի: Նրանք ծանոթացան Մայր Աթոռի սրբավայրերին և Հայաստանում ներկա հայ եկեղեցական կյանքին:

Մայիսի 8-ին հյուրերը այցելեցին Գառնիի հնությունները և Ս. Գեղարդի վանքը, ապա եղան Ս. Հռիփսիմեի վանքում:

Նույն օրը հյուրերը այցելեցին Հոգևոր Ճեմարան:

Մայիսի 9-ին, երեքշաբթի առավոտյան, հարգելի հյուրերը մեկնեցին Ս. Էջմիածնից:

ԴԻՎԱՆ ՄԱՅՐ ԱԹՐՈՒ ՍՈՒՐԲ ԷՋՄԻԱԾՆԻ

9 մայիսի 1961 թ.

Ս. Էջմիածին